

De Theſſalia.



THESSALIA à Theſſalo rege dicta eſt, quæ ad meridianam plagam, Macedoniæ coniuncta eſt, cuius à tergo Epirus eſt. Multa ſunt in Theſſalia flumina & oppida Inter quæ precipua Theſſalonica. Ibi eſt & mons Parnasus, quondam Appolloni conſecratus. Theſſalia patria Achillis, & origo lapitharū fuit. De quibus fertur, q̃ hi primo equos frenis domuerunt, unde & Centauri dicti ſunt. In Theſſalia primi ſolidi aurei facti ſunt, domandorum quoq̃ equorum uſus primū reperi- tus eſt.

De Macedonia.



MACEDONIA in exordio ab Emathio rege, Emathiae nomen habuit: ſed Macedo Deucalionis maternus nepos, poſtq̃ ibi accepit principatum, mutauit uocabulum, Macedoniamq̃ à ſuo nomine dixit. Patria magni Alexandri, & regio, aureis uenis, argentiq̃ opima. Lapidem quem Piriten uocant, iſta gignit. Mons Olympus in ea eſt, qui excellenti uertice tantus attollitur, ut in cacumine eius nec nubes, nec uēti ſentiantur.

De Achaia.



ACHAEA ab Acheo rege, & urbs, & provincia appellata eſt. Hæc peninſula eſt. Huius caput eſt urbs Corinthus, Græciæ decus. Archadia pars Achaiæ eſt, ut platani folium, inter Ionium & Aegeum mare ab Euro expoſita, quam Arcas Iouis & Califtæ filius, Pelasgis in deditionem reſcriptis, ex ſuo nomine Archadiam nuncupauit. Iſta eſt & Sicione, à Sicionerege dicta. Habet autem fluuium magnum Eurotum, Abellon quoq̃ lapidem, qui ſemel accenſus nunquam extinguitur. Candidiſſimæ etiam merulæ ibi naſcuntur.